

p.113 line 3【不退轉】於無上菩提得不退轉之菩薩。有三種不退、四種不退之別，其位次則依諸宗而異。天台宗則以別教之初住至第七住為位不退，於此間斷滅見思之惑而永超三界之生死；以第八住至十迴向之終為行不退，於此間破除塵沙之惑而不退失利他之心；以初地以上為念不退，此時既斷無明之惑，永不退失中道之正念。如配以圓教，則初信至第七信為位不退；第八信至第十信之終為行不退；初住以上為念不退。～《佛光大辭典》

p.114 line -6【得無生】《觀經疏傳通記》p.868：「緣觀得無生法忍。謂十解已上乃至十迴向。謂作三無性觀。解萬法無生。」【三無性】係針對遍計所執等三性之有法所說三種無性之空義。又作三無自性、三種無性。即就遍、依、圓三性而論各無自性之義，分別有『相無性』、『生無性』、『勝義無性』等三種。(一)相無性，乃針對遍計所執性而立。蓋遍計所執性為所謂「情有理無」，迷情之上雖有，唯不過是當情所現之假相，譬如空華，於理而言，體、相俱無，故稱相無性。(二)生無性，乃針對依他起性而立。蓋依他諸法乃託眾緣而生，無定實之性，譬如幻事，故稱生無性。(三)勝義無性，乃針對圓成實性而立。真如為殊勝之真理，亦為根本無分別智之對境，故稱勝義。謂由遠離前遍計所執「我、法」性故，假說無性，非性全無。此即真如，亦即唯識實性。然此三無性被視為「密意說」，而非「了義」，因三自性中之後二自性，其性非無；今假說其無性者，是為否定世俗所執持之「實性」。～《佛光大辭典》

p.114 line -3【授記】【四種授記】授記，未來世證果及成佛名號之預記。據《菩提資糧論》卷三舉出四種授記，即：(一)未發菩提心授記，謂諸佛世尊觀眾生根機之利鈍，於具有增上信之人，則令其發菩提心，而為授記當得作佛。(二)共發菩提心授記，謂諸菩薩善根成熟，誓欲度脫一切眾生，與眾生共發菩提心，誓願同成正覺，而蒙佛授記。(三)隱覆授記，謂此人修行精進，固當授記，但恐其自聞授記，則志滿而不復更發精進之心；如不授記，復恐眾人生疑而謂此人修行精進，卻不蒙授記，故佛以威神之力，密為授記當得作佛，使他人聞，不使其自聞。(四)現前授記，謂諸菩薩成熟出世善根，得不動地，即時蒙佛授記。又《首楞嚴三昧經》卷下，亦舉出四種授記，即：(一)未發心而與授記，謂有眾生往來「五道」，彼諸根猛利好樂大法。

佛知此人過若乾百千萬億阿僧祇劫，當發菩提心，乃至得菩提，遂予授記。  
(二)**適發心**而與授記，謂有人久植德本修習善行，好樂大法，有大悲心，普為眾生求解脫道，此人發心即入菩薩位。此等人適發心時，諸佛即與授記。  
(三)**密授記**，與前述菩提資糧論所舉之隱覆授記義同。(四)**得無生法忍現前授記**，謂有菩薩久集善根，於一切法得無生忍，佛知此人功德智慧悉已具足，則於眾中為其現前授記。～《佛光大辭典》

p.115 line -5【亦信因果】請見《觀經疏傳通記》p.872：-3。《觀無量壽佛經疏妙宗鈔》卷6：「上品下生亦信因果不謗大乘。同上中品故名為亦。彼以解了第一義諦而為別行。此以但發無上道心而為別行。究理攝生。標心雖異。從凡入聖。歷位無殊。」(T37,p.231,a3-7)

p.115 line -1【一念厭苦。樂生諸佛境界】『厭苦』：出離心（求解脫心）。『諸佛境界』：第一心、不顛倒心。『菩薩大悲願行』、『入生死普度眾生』：平等大悲心、廣大心、常心。

p.116 line 7【罪滅清淨】請見《觀經疏傳通記》p.875：-6。

p.116 line 4【授手】授以援手，謂救援。～《漢語大詞典》有多種含義，可類分三種：(一)即佛伸手引導眾生入淨土之意。於淨土經典中，如觀無量壽經上品上生之敘述文：「阿彌陀佛放大光明照行者身，與諸菩薩授手迎接。」上品中生之文：「汝行大乘，解第一義，是故我今來迎接汝，與千化佛一時授手。」皆為引導往生淨土之意。(二)指傳授教法。禪宗典籍敕修百丈清規卷五沙彌得戒：「佛佛授手，祖祖相傳，不染世緣，方成法器。」此處授手，即指傳授教法之意。(三)相鄰不遠之意。律典梵網經卷下：「受持菩薩戒者，應受持、讀誦、解說、書寫佛性常住戒卷，流通三世一切眾生，化化不絕，得見千佛，佛佛授手，世世不墮惡道八難。」《菩薩戒經義疏》卷下解釋梵網經文中之佛佛授手，謂非舉手更授，係明示秉持戒法如同與佛相鄰不遠，故謂之授手。～《佛光大辭典》

p.116 line -6【住歡喜地】《經》：『得百法明門』。請見《觀經疏傳通記》p.877。《菩薩瓔珞本業經》卷1〈2賢聖名字品〉：「得入初住位中。住是位中增修百法明門。所謂十信心。心心有十。故修行百法明門。常發無

量有行無行大願。得入習種性中廣行一切願。」(T24,p.1011,c6-9)《菩薩瓔珞本業經》卷1〈3 賢聖學觀品〉：「一歡喜地。住中道第一議諦慧。…現法身入十方佛土。作五神通入如幻三昧。現作佛化無量功德。不受三界凡夫時果。常入一乘位一心四諦集苦道滅。二種法身變易受生。三觀現前常修其心入百法明門。所謂十信。一信有十。為百法明門。…心心寂滅。法流水中。自然流入薩婆若海。」(T24,p.1014,c19-27)淨空《觀無量壽經講記》：「百法明門就是一切法，是唯識裡面的《百法明門論》。《瑜伽師地論》，彌勒菩薩將一切法歸納成六百六十法，為我們說明宇宙人生的真相，天親菩薩再濃縮歸納成一百法，便於教誡大乘初學，所以《百法明門論》是大乘初學的教科書。百法就是一切法，是一切法的歸納，展開來就是一切法。此地得百法明門就是對於一切法都貫通、通達的意思，智慧開了，世出世間一切法沒有一樣不通達。」《觀無量壽經疏》：「『得百法明門』就是禪宗講的明心見性，教下講的大開圓解，我們本宗所說的理一心不亂，位次到了初地菩薩。」

p.116 line -3【五門相續助三因】請見《觀經疏傳通記》p.878。三因：三心是往生正因。五門：五念行門。《無量壽經優波提舍》卷1：「修五念門成就者。畢竟得生安樂國土。見彼阿彌陀佛。何等五念門？一者**禮拜**門。二者**讚歎**門（口業讚歎。稱彼如來名）。三者**作願**門（奢摩他）。四者**觀察**門（毘婆舍那）。五者**迴向**門。」(T26,p.231,b10-13)善導大師五種正行：1 **讀誦**、2 **觀察**、3 **禮拜**、4 **稱名**、5 **讚歎供養**。

p.117 line -2【小乘根性】《經》：「演說苦空無常無我。讚歎出家得離眾苦。」『持八戒齋、持沙彌戒、持具足戒、隨順三世諸佛教』。又作聲聞乘。二乘之一，乃大乘、菩薩乘之對稱。意譯為狹小之車乘，指運載狹劣之根機以達小果之教法；即於所修之教、理、行、果，與能修之根機均為小劣之法門。據《大智度論》卷四、卷十八等所載，聲聞乘狹小，佛乘廣大；聲聞乘自利自為，佛乘利益一切；聲聞乘多說眾生空，佛乘則兼說眾生空與法空；聲聞說法中無大慈悲心，大乘法中則在在強調大慈悲心；聲聞法中皆為自身，大乘法中廣為眾生；聲聞法中無欲廣知諸法之心，僅有欲求疾離老病死之心，大乘法中欲了知一切法；聲聞法之功德有所限量，大乘法中欲盡諸功德，無有遺餘。《大乘莊嚴經論》卷一〈成宗品〉則舉出聲聞乘與大乘有

五種差異：(1)發心異，(2)教授異，(3)方便異，(4)住持異，(5)時節異。～  
《佛光大辭典》《大乘莊嚴經論》卷1〈2成宗品〉：「聲聞乘若發心、若教授、若勤方便。皆為自得涅槃故。住持亦少。福智聚小故。時節亦少。乃至三生得解脫故。大乘不爾。發心、教授、勤方便。皆為利他故。住持亦多。福智聚大故。時節亦多。經三大阿僧祇劫故。如是一切相違。」(T31,p.591,c1-6)

《觀經疏傳通記》p.881。【小乘往生】淨影慧遠《觀無量壽經義疏》卷1：「問曰：龍樹說阿羅漢亦生淨土。故彼文言。有妙淨土出過三界。無煩惱名。是阿羅漢當生彼中。聞法華經。云何不生？解有兩義：一就愚法聲聞以釋。執小迷大為愚法。是愚法人。捨現陰形。未即受身入無餘滅。不可思議劫未來無餘涅槃之後。心想生時。方於淨土受身聞法。龍樹據終說生淨土。此經就始故不說生。二就不愚法者以釋。阿羅漢中解小知大。名不愚法。是人死已。即於淨土受身聞經。而非一切。」(T37,p.182,b25-c5)

元照《觀無量壽佛經義疏》卷3：「經云。彼佛有無量無邊聲聞弟子。皆阿羅漢等。問：彼國純一大乘清淨良伴。何有小乘聲聞耶？答：此土聲聞則有二種：一者定性。謂沈空滯寂取滅度者。往生論云。二乘種不生。即此類也。二不定性。謂中間迴向。已經開顯。知常獲記。雖是聲聞。不住小果。法華真阿羅漢、涅槃出家菩薩、淨土聲聞。即同此類。已聞大教。發菩提心。但先學小乘。聞說苦空無常無我。發其本習。先證小果。終歸大乘。此三品中。上生。常持五八十。具四種戒行。中生。亦持四戒。但一日一夜。下生。孝養仁慈。上二專持佛戒。並有迴向願求。下一止依世教。故但臨終遇善。三階行別。故分高下。」(T37,p.301,b23-c7)